

國醫小叢書之五

四庫全書之一

七十四種疔瘡圖說

上海國醫書局印行

七十四種疔瘡圖說序


外症之疔瘡。最為危險。其名目有七十餘種之多。施治稍遲。便致變生不測。莫可挽救。良堪浩嘆。今偶覩治疗良方一書。披閱一過。見其各法俱備。且繪有諸圖。部位分明。可以按圖施治。誠濟苦之寶筏也。查此書為慈溪葉氏秘傳。而有仁義氏者。刊于蜀之重慶府。雖有印本。但因道遠難治。為憾。爰重付剞劂。並附治疗草圖。以廣流傳。是則區區之念焉。

光緒十七年歲次辛卯秋七月濟民氏識

陽面

疗瘡面圖

疗瘡總目在右



疔瘡五經辨

疔瘡毒氣發於心經者。為火燔疔。其瘡多生於唇口掌手指節之間。初生一點紅黃小疮。搔動痛痒非常。左右肢體麻木。重則寒熱交作。頭暈眼花。心煩躁。言語昏憤。此皆出於心經之毒火也。

毒氣發於肝經者。為紫燕疔。其瘡多生於手足腰腸筋骨之間。初生便成紫泡。次日破流血水。三日以後穿筋爛骨。疼痛非常。重則眼紅目昧。指甲純青。舌強神昏。睡卧驚惕。此皆出於肝經之毒火也。

毒氣發於脾經者。為黃鼓疔。初生黃疮。光亮明潤。四圍紅暉。繞纏瘡窠。其瘡多生於口角腮頰眼胞上下。以及太陽正面等處。發之便作麻痺。絳急堅硬。重則惡心嘔吐。肢體木痛。寒熱交作。煩渴乾噦。此皆出於脾經之毒火也。

毒氣發於肺經者。為白刃疔。其瘡多生於太陽。頰腮氣樞咽喉之間。

初生一點白疮。頂硬根凸。破流紫水。痛痒不休。易腐易陷。重則腮損。
咽焦。毛聳肌熱。咳吐膿痰。鼻掀氣急。此皆出於肺經之毒火也。

毒氣發於腎經者。為黑瘡疔。其瘡多生於耳竅。胸腹。腰脇偏僻。軟肉之間。初生黑斑紫疮。串於皮膚。漸攻肌肉。頑硬如丁。痛在骨髓。重則手足青紫。驚悸沉困。軟陷乳深。目睛達露。此皆出於腎經之毒火也。

以上五經疔。相應五臟。又紅絲疔一名紅線疔。起于手掌脉門之間。初起形如小瘡。漸發紅絲。上攻手脣。令人增寒壯熱。甚則惡心嘔吐。此疔迅速。最易殺人。急於紅絲盡處挑斷出血。再于初起瘡上亦挑出血。以洩其毒。可保無虞。遲則紅絲至心。必致不救。故治此疔者。貴乎早醫。初起治者十全。稍遲者十愈六七。若失治者十無一生。服藥須明經絡。隨引經藥而治之。

挑疔破法

面岩疗從天庭破。髮際疗從尾骶骨破。天門疗從大拳骨下破。
太陽疗從耳門破。印堂疗從拳骨下破。山根疗從大拳骨下破。
眉稍疗從龍舌尖破。穿鼻疗從地閣破。人中疗從大拳骨三節骨下破。
耳茸疗從手中指尖破。吊角疗從耳擁破。耳擁疗從大拳骨三節下破。
插花疗從地閣兩傍破。地角疗從中指尖破。項疗從插花破。
外胸疗從背大拳骨下三節骨上破。耳垂疗從大指下破。顴疗從太陽破。
乳下疗從脚罕挺上二指破。乳上疗從脚罕挺上一指破。
疔從肩上燕窩梁骨上破。解骨疗從脚大指根下破。鶴頂珠從印堂破。

挑疗決法

天門疗從口門決又大拳骨穴決。太陽疗從耳門決又肩井穴決。

印堂疔從大拳穴決。肩中疔從井肩決又龍舌尖決。眼胞上
下疔從足中指尖決又足委中穴決。眉疔從大拳骨下決又曲池
下決。吊角疔從耳門決。面岩疔從手掌嘴頭決。顧疔從手掌
嘴頭決。反唇疔從印堂決又地閣決。下反唇疔從耳門決。七日
外者不治。地閣疔從中指尖決。項疔在上者覆掌虎口決。在下
者仰掌虎口決。偏鬪口疔從尾骶骨下八字決。女鬪口疔從腰
眼上第三節骨穴決。外胸疔從勞食窩決。飯鍼疔從燕窩梁骨
上決。鶴頂珠從大拳骨穴決又足後跟決。羊毛疔初起身發寒
熱。紅點如疹。其色淡紅者為嫩。紫黑者為老。上身宜挑數次。用雄黃
末二錢。青布包而扎之。蘸熱燒酒于身前後擦之。拔出疔根忌茶水
一日。再視輕重而復擦之。

疔瘡十三種

一曰麻子疔。狀如黍米而色微黑。四圍畧赤。時時作癰。忌食脂麻油。并着麻衣及行麻田之類。

二曰石疔。其狀皮肉相連。色如黑豆。而甚堅硬。雖刺不入。而肉微腫。忌石瓦磚頭之屬。

三曰雄疔。初發即疱。頭戴黑靨。四畔高聳。時流黃漿。大如錢孔。四曰雌疔。瘡起微黑。形如炙疮。四畔疱漿而中凹赤。形如錢孔。五曰火疔。瘡如湯火燒灼。項生黑靨。有烟帶漿。又加赤粟。忌火燒烙。六曰爛疔。其形大小不齊。色黑如斑瘡。瘡中時流膿水。浸淫潰爛。終不結痂。忌食熱物。

七曰三十六疔。形如黑豆。四畔浮起。肉帶赤色。今日生一。明日生二。次加增去。如滿三十六日不治。

八曰蛇眼疔。瘡頭皮黑而浮。形如小豆。如蛇眼大。身體皆硬。

九曰鹽膚疔。大如匙面。四畔皆赤。有黑粟粒起。最忌食鹽。
十曰水洗疔。狀如錢形。又如錢孔頭白裡黑。癟下汁出而稠。硬忌飲
漿。

十一曰刀鎌疔。瘡如薤葉形。而長一寸。左旁肉黑。如燒烙形。忌刺及
刀并鐵器等。

十二曰浮漚疔。瘡體圓曲少許。不長而狹如薤菜。內黃外黑。刺而不
痛。

十三曰牛狗疔。肉色庖起。搘而不可破。

以上十三種疔。惟蘇子疔始終作癰而無他症。其餘疔名雖異。而
症多同。初起瘡心先癢後痛。言身先寒後熱。四肢沉重。心驚眼花。
嘔逆不食。急宜調治。緩則殺人。又不可觸犯孝服狐臭月經婦女
并雞犬之類。一有犯此。不可治也。又宜戒怒寬懷為上。

人音
膜耳
內瘻

凡疔瘻不破。則毒入腸胃。以致不救。惟蟬衣為末。用蜜調敷。凡疔皆效。或用拔疔散治之。

麵粉 麝香 人耳膜各一
共為細末。葱涎調膏。連紙貼于患處。則疔根拔盡而無留矣。

凡疔瘻發于頭面者。切不可敷寒涼之藥。恐熱毒藥戾之氣。逼入于喉。不能生矣。

又拔疔散 磨砂 硫砂 白礬

食鹽用錢鑄刀燒紅白礬食鹽各等分。環搗日午時研為細末。掺之。

黃連解毒湯 治疔瘻毒入心。內熱口乾。煩悶恍惚。脈洪實者。

黃連 黃芩 黃柏 牛膀子 生甘草 各等分。燈草引水煎服。

金匱黃連解毒湯 治發熱。口渴。便祕。脉沉實者。邪在裡也。宜服之。
此湯再加 生大黃二錢 葱白五枚以瀉之 黃連 黃芩 黃柏 山

杞仁 連翹各六 水煎服。

歌曰 黃連解毒黃芩柏。山梔甘草茅連翹。內熱口乾煩躁甚。燈心作引服之消。

疔瘡復生湯 治疔瘡發于頭面。日漸浮腫。毒氣內攻。煩躁欲死者。
金銀花 山梔仁 連翹 牛蒡子 天花粉 木通 地骨皮
牡蠣粉 生大黃 皂角刺 乳香 末藥各八分 水酒各一鐘。煎至半鐘。食遠溫服。如不飲酒者。水煎。臨服入酒一盃。如脈實便秘。加朴硝以利之。

歌曰。疔毒復生銀山梔。翹旁花粉通骨皮。牡蠣大黃皂角刺。乳香末藥共相隨。

化疔內消散 治疔瘡初起。或已針已灸之後。服之能令內消。
金銀花 天花粉 草何車 白芨 半夏 貝母 知母 甘草
穿山甲 蛤角刺 乳香 末藥 等分。水酒半煎。于食前服。瘡生

下者。食後服之。

歌曰。化疔內消銀天花。白芨半夏甘草車。貝母知母并甲刺。乳香末藥猶當加。

大青葉
石膏炒
山梔仁
元參
桔梗
麥門冬
知母

解毒大青湯 治疔瘡。悞食毒物。偏毒入裡。致生煩躁。言語錯亂者。
升麻 木通 人中黃 淡竹葉 燈草作引。食遠服。便祕。加大黃。
悶亂。加燒人屎。

歌曰。解毒大青石羔梔。元參桔梗麥冬知。升麻木通人黃入。竹葉燈心引自宜。

七星劍 治十三種疔初起。憎寒壯熱。惡心吐嘔。肢體麻木。痛癢非常。心煩作躁。甚者昏曇。急宜服此。

麻黃 草河車 倉耳頭 希莶草 紫花地丁 野菊花

半枝連 用好酒一斤。煎至一碗。去渣熱服。蓋被汗出為度。冬月無
鮮草。宜預採陰乾。臨時需用。

歌曰。疔毒最怕七星劍。麻黃河車蒼耳頭。半枝地丁并野菊花。酒煎
一服自無憂。

消疔簡便方 治疔瘡及諸惡毒。初起未成膿者。服之即效。

白礬錢。葱白七莖。右二味同搗爛。分作七塊。每塊用熱酒一杯。送下。服
畢。以厚被覆之。再飲葱白湯一杯。以助藥力。少頃汗出如淋。從容去
其覆被。其病若脫。此雖味澀難服。但其效甚速。倘有發于倉猝不及
治者。服此方可保無虞。

祖傳經驗秘方 治食災牛馬肉致成疔瘡。欲死者。用柏樹葉一大
把。搗爛攬汁。取一二碗。頻頻服之。以得大瀉。則毒氣出盡而愈矣。
如冬月無葉。取嫩根研水服之亦效。因其亦能下利而出毒也。

又經驗方治諸般惡瘡。用經霜芭蕉葉為末。香油調敷。先以忍冬。

藤葱椒蒼耳草煎湯洗瘡。令淨。將紙挹敷乾藥外。以油紙掩之。

疔瘡敷藥方

用夏蠶矢每錢加黃連三分。冰片少許。共為細末。用蜜調敷。

又敷藥方

用白僵蚕蟬衣二味等分為末。香油調敷。

凡疔瘡有風筋起者。用米醋溫熱擦之。風筋為妙。切忌動刀。

疔瘡總目錄

疔瘡面圖 療瘡十三種及藥方

山根疔

疔瘡五經辨

牙擁疗

前髮際疗

太陽疗

耳茸疗

挑疔破法

後髮際疗

耳齒疗

齧口疗

挑疔決法

眉梢疗

耳擁疗

淚堂疗

地閣疗

鼻尖疗

冲鼻疗

背脊疗

耳垂下疗

吊角疗

偏闢口疗

耳内疗

頂疗

肩下疗

面巖疗

紅絲疗

眉燕疗

插花疗

鶴頂珠

人中疗

鎖唇疗

乳下疗

天門角疗

鼻梁疗

喉疗

斷橋疗

眉中疗

鼻內疗

天庭疗

肚注疗

命指疗

佛珠疗

上反唇疗

前隱珠

女人闢口疗

穿鼻疗

下反唇疗

後隱珠

眼瞼上下疗

印堂疗

內反唇疗

肢胞瘡

足膝頭疗

前後足疗

脇肋疗

脚指尖疗

膀胱疗

飯鑿骨下疗

含疗

鼻環疗

吞珠

辨疗法

將黃豆

一粒

咀嚼如無生性氣即疗。

疔瘡膏藥方

用鮮老薑一斤許。去皮攬汁。取猪苦胆四十九個。去胞瀝汁。與薑汁調勻。用磁大盆承之。承露水四十九夜。晒四十九日。切勿遭雨。後成膏。


挑貯于磁罐內藏之。其膏藥用布攤。如小錢大。將疔瘡挑決後。按患處貼之。應驗如神。其名曰猪胆膏。此藥於伏中配合最宜。

附新增

疔瘡初起者。即用鮮皂角壳去核搗爛。用醋調敷立愈。如無鮮皂角乾者亦可。上下反唇疔。初起者。即用獨蒜頭一箇。去皮淨。將坭地上板橙脚上。加口水磨濃。敷于患處。即愈。

七十四種諸疔瘡形圖


前髮際疔從地閣決又骭骨挑



眉稍疔從臂上龍齒尖決又肩
井決又曲池決又大拳決



後髮際疔從大拳第二節決又
從尾骶骨節二節決



山根疔從大拳骨下挑

